

Njegova čuda: Znak njegove istinitosti, kao mnogih drugih Božijih poslanika.

Čuda Isaa (Isusa) u Časnom Kur'anu

Časni Kur'an navodi nekoliko čuda Isaa (Isusa), uključujući njegovu sposobnost da stvori ptice, da izliječi bolesti uključujući sljepilo i podigne mrtve u život

I on će biti poslanik sinovima Israilovim (sa ovom porukom): 'Ja vam dolazim sa znakom od vašeg Gospodara, napraviti ću vam od ilovače nešto poput ptice, onda ću udahnuti u to i to će Božijom naredbom postati ptica (duhovna ptica); i izliječiti ću od rođenja slijepog i gubavog, i oživjeti ću (duhovno) mrtvog, po Allahovoj odredbi; i obavijestiti ću vas o onom što ćete jesti i što ćete skupljati u kućama svojim. Sigurno je u tome jedan veliki znak za vas, ako ste vjernici. (Kur'an 3:50)

Ahmadi muslimani interpretiraju metaforički ove posebne znakove. Ljudi koji su prihvatili Isaa (Isusa) vinuli su se (bili su uzvišeni) visoko kao ptice u duhovnom nebu iznad ovosvejskih, niskih stvari. Slično u metaforičkom smislu, on je vraćao vid duhovno slijepim i život duhovno mrtvim.

Isus je lično nazvao neprijatelje njegovog doba 'slijepim' zbog njihove licemjerne prirode u stvarima vjere (Matej 23:26). Sama priroda njegovih riječi o liječenju saopćava duhovnu promjenu, ne fizičku. Treba također da zapamtimo da je Isus govorio u parabolama, kao što je popularna izreka: '*pusti mrtve nek ukopavaju svoje mrtvace.*' (Matija 8:22).

Časni Kur'an također opisuje nevjernike gluhim, nijemim i slijepim

Oni su gluhi, nijemi i slijepi; zato se neće povratiti (Pravom putu) (Kur'an 2:19)

i Časni Poslanik s.a.v.s. im je ponudio 'život' i oživio ih iz takve smrti

O vi koji vjerujete! Odazovite se Allahu i poslaniku kad vas poziva da vam dadne život (Kur'an 8:25).

Doslovne interpretacije

Zaista je teško insistirati na doslovnom interpretiranju svih čuda Biblije. Vjerodostojni Harperov komentar Biblije ide čak tako daleko da preporučuje da čuda koja slijede koja se odnose na oživljavanje budu zanemarena.

'Grobovi se otvoriše, te uskrsnuše mnoga tijelasa pravednika što bijahu umrli (bila su uzdignuta u život). Oni izadoše iz grobova, i poslije Isusova uskrsnuća, dođoše u Sveti grad i pokazaše se mnogima.' (Matej 27: 52-53).

Hazreti Mirza Ghulam Ahmad objašnjava o značaju ovih ajeta u svojoj znamenitoj knjizi, *Isus u Indiji*. On objašnjava da Biblija zapravo navodi detalje duhovne vizije. A u jeziku vizije, ako bilo ko vidi 'da su mrtvi izašli iz grobova i krenuli svojim kućama, interpretacija je da će zatvorenik biti oslobođen iz svojih okova, i da će biti izbavljen iz ruku svojih progonitelja.' Uzgredno, ova interpretacija je također potvrđena knjigom Gustavusa Millera, *10,000 interpretacija snova*.

Ironično je da će, dok su kršćanski učenjaci savjetovali protiv izvlačenja bilo kakve vrijednosti iz određenih izreka Biblije, musliman, koji je tvrdio da je Obećani Mesija, doći u odbranu Biblije rasvjetljavajući neke od metaforičkih ljepota koje ona sdraži.

Čuda i božanstvo

Nadalje, treba da zapamtimo da je Elijah također bio vraćen u život (Prva knjiga kraljeva 17:19-22). Zbog toga je teško je napraviti argument o božanstvu Isaa/Isusa, ukoliko se Elijas također ne smatra božanstvom. Argument da je Isa napravio čuda svojom vlastitom moći, dok je Bog djelovao preko Elijaha, je opovrgnuto samim Novim Zavjetom. Djela apostolska (2:22) kažu: 'Israelci, čujte ove riječi: Bog je pred vama potvrdio Isusa Nazarećanina moćnim djelima i čudesnim znacima koje, kako i sami znate, Bog učini po njemu među vama.'